



JAVNI POZIV ZA MLADE LOKALNE LIDERE/KE

na projektu

“Veća odgovornost lokalne vlasti za bolji kvalitet života građana/ki”

Centri civilnih inicijativa (CCI), kao implementator projekta „*Veća odgovornost lokalne vlasti za kvalitet života građana/ki*“, raspisuju Javni poziv za mlade lokalne lidere/ke iz 15 lokalnih zajednica: Velika Kladaša, Kalesija, Zavidovići, Goražde, Gornji Vakuf-Uskoplje, Konjic, Široki Brijeg, Hadžići, Livno, Kozarska Dubica, Gradiška, Teslić, Ugljevik, Pale i Foča.

Kroz navedeni projekat CCI će organizovati različite vrste aktivnosti u oblasti monitoringa i ocjene rada lokalnih vlasti, osigurati informacije o političkim programima koji se fokusiraju na poboljšanje kvaliteta života na lokalnom nivou, uz aktivno uljučivanje mladih. Planirano je, dalje, uspostavljanje mehanizma nezavisnog monitoringa rada lokalnih vlasti i osnaživanje uloge mladih u političkim procesima i na izborima na lokalnom nivou.

Pozadina

Najveći broj životnih potreba građani ostvaruju na lokalnom nivou vlasti. Lokalni nivo vlasti ima važne nadležnosti u okviru kojih mogu u značajnoj mjeri uticati na kvalitet života građana/ki.

Javnost nema adekvatne informacije niti znanje o nadležnostima lokalnih zajednica, a nedostaje i objektivna slika o rezultatima rada lokalnih vlasti i uticaja odluka vlasti na kvalitet života građana/ki. Mladi nisu u dovoljnoj mjeri uključeni u političke procese na lokalnom nivou u svojim lokalnim zajednicama.

Građani/ke, posebno mladi, žele se u većoj mjeri uključiti u razvoj lokalnih politika, ali često su obeshrabreni zbog nedostatka podrške, straha ili zbog nedostatka adekvatnih mehanizama za učešće. Važno je da građani na lokalnom nivou upoznaju predstavnike vlasti i s njima ostvare direktnu komunikaciju kako bi što objektivnije donijeli sud o tome za koga glasati na izborima i kako bi držali kandidate za javno izgovorenu riječ, ukoliko posao ne urade dobro.

Kroz rad u 15 ciljanih opština i gradova u BiH sa odabranim mladim lokalnim liderima/kama omogućiće im se da steknu teorijska znanja vezano za rad lokalnih institucija vlasti u vezi načina donošenja odluka, nadležnosti, metodologija, analize podataka, korištenje online sistema/baze podataka, itd. CCI će mladim aktivistima prenijeti znanje u oblasti monitoringa rada vlasti i implementacije javnih politika kako bi se kreirala osnova za njihovo uključivanje u rad lokalnih zajednica.

Pored teorijskog dijela, uključeni lokalni lideri/ke dobiće priliku i praktično da primijene stečeno znanje aktivnim učešćem u realizaciju projektnih aktivnosti, uz mentorstvo od strane osoblja CCI-a.

Šta dobijate ?

Prilikom da upoznate kako funkcioniše lokalna vlast i utiče na naše živote, te kako mi utičemo na lokalnu vlast i to:

- ✚ Teorijsko znanje o funkcionisanju lokalnih institucija vlasti kroz tri modula
 - a) upoznavanje sa nadležnostima lokalnog nivoa vlasti;
 - b) metodologiju monitoringa rada institucija vlasti na lokalnom nivou;
 - c) korištenje baze i upravljanje većom količinom podataka;
- ✚ Aktivno sudjelovanje u realizaciji projektnih aktivnosti
- ✚ Mentorstvo
- ✚ Potvrdu o obavljenoj praksi od strane CCI-a
- ✚ Naknadu troškova

Pored stečenog teorijskog znanja kroz projekat uključeni mladi će dobiti priliku da naučeno odmah primijene kroz praktičan rad, te podijele stečeno znanje sa svojim sugrađanima/kama.

Vrijeme trajanja angažmana

Lokalni lideri/ke biće uključeni u projekat „**Veća odgovornost lokalne vlasti za kvalitet života građana/ki**“ u periodu od 20. aprila do 20. oktobra 2020. godine.

Ko se može prijaviti?

- ✚ mladi starosne dobi 18-30 godina u trenutku podnošenja prijave
- ✚ sa prebivalištem u Bosni i Hercegovini iz sljedećih lokalnih zajednica: Velika Kladuša, Kalesija, Zavidovići, Goražde, Gornji Vakuf-Uskoplje, Konjic, Široki Brijeg, Hadžići, Livno, Kozarska Dubica, Gradiška, Teslić, Ugljevik, Pale, Foča (RS);
- ✚ koji imaju želju i volju da aktivno rade na poboljšanju kvaliteta života u svojim lokalnim zajednicama i da se lično razvijaju

Obaveze odabranog podnosioca/teljice prijave

- ✚ Prisustvo svim obukama vezano za rad lokalnih institucija vlasti
- ✚ Odgovorno izvršavanje preuzetih obaveza pri realizaciji projektnih aktivnosti
- ✚ Korektna saradnja sa mentorima

Način prijave?

Svi zainteresovani mladi iz ciljanih opština/gradova, mogu se prijaviti popunjavanjem online obrasca koji je dostupan putem linka <http://skr.rs/AjG>

Broj lokalnih lidera/ki je ograničen na maksimalno 5 iz svake uključene lokalne zajednice.

Rok za prijavu je 12.04.2020.

Dodatne informacije možete dobiti putem telefona 063 396 519 ili na email cci@ccibh.org

*Projekat „**Veća odgovornost lokalne vlasti za kvalitet života građana/ki**“ se realizuje zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM), uz finansijsku podršku Američke agencije za međunarodni razvoj (USAID).*